



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2020:058310

Datë: 26.03.2024

Numri i dokumentit: 05505064

P.nr.658/21

NË EMËR TË POPULLIT

GJYKATA THEMELORE NE PRISHTIË – DEGA FUSHË KOSOVË - Departamenti i Përgjithshëm, Divizioni Penal, sipas Gjyqtares Laura Hoti Statovci, në lëndën penale të akuzuarve A. K. dhe S. K. nga F. K, të akuzuar për veprën penale të kryer në bashkëkryerjeje Vjedhje neni 313 par 1 lidhur me nenin 31 të KPRK-së, duke vendosur sipas aktakuzës së Prokurorisë Themelore në Prishtinë – Departamenti i Përgjithshëm PP.II.nr.1681/20 të datë 16.03.2021, në seancën e shqyrtimit fillestar publik të mbajtur me datë 11.03.2024, në praninë e Prokurorit të Shtetit Blerim Igrishta dhe të akuzuarve A. K. dhe S. K., me datë 11.01.2024 mori dhe publikisht shpalli ndërsa me datë 26.03.2024 përpiloi këtë:

A K T G J Y K I M

Të akuzuarit:

1. I pandehuri A. K. nga i ati K..., nëna B.... e gjinisë J..... i lindur me datë në F.... K..., me vendbanim L.....29 Rr.” Gj.....”, me numër personal të dhëna këto të vërtetuara nga dokumenti i letërnjoftimit të lëshuar nga MPB, nuk ka të kryer shkollën, i martuar, baba i tre fëmijëve, i gjendjes së dobët ekonomike, Ashkali Shtetas i Republikës së Kosovës.
2. I pandehuri S. K nga i ati K..., nëna B.... e gjinisë J... i lindur me datë në F..... K..., me vendbanim Lagjen Rr. “Gj.....”, me numër personal të dhëna këto të vërtetuara nga dokumenti i letërnjoftimit të lëshuar nga MPB, nuk ka të kryer shkollën, i martuar, baba i tre fëmijëve, i gjendjes së dobët ekonomike, Ashkali Shtetas i Republikës së Kosovës.

JANË FAJTORË

Sepse:

Me datë 06.05.2020, rreth orës 21:35, në rrugën “D.....” në Komunën e F. K., saktësisht në lokalin “V... F..” në F.K....., të akuzuarit duke vepruar në bashkëkryerje me qëllim që vetit t’i sjellin përfitim pasuror të kundërligjshëm, marrin 10 tjegulla me mjaltë në vlerë prej 249.90 Euro si dhe proshutë në vlerë prej 189.04 Euro dhe ikin nga lokali, më ç ‘rast të dëmtuarës i ka shkaktuar dëm material në vlerë prej 438.94 Euro.

- *Me këtë në bashkëkryerje kanë kryer veprën penale Vjedhje neni 313 par 1 lidhur me nenin 31 të KPRK-së.*

Andaj, gjykata në bazë të nenit të lartcekur dhe neneve 4, 7, 8, 9, 10, 17, 21, 31, 38, 39, 42, 43, 70, 71, 72 dhe 313 par 1 të KPRK-së dhe neneve 358, 359, 360 dhe 364 të KPPRK-së, të akuzuarit i:

GJYKON

1. Të akuzuarin A. K.

Me dënim me burgim në kohëzgjatje prej 2 (dy) vite e 6 (gjashtë) muaj i cili dënim do të ekzekutohet në afat prej pesëmbëdhjetë (15) ditëve, nga dita e marrjes së formës së prerë të këtij aktgjykimi dhe

Me dënim me gjobë në shumë prej 300.00 (treqind) Euro, të cilin dënim i pandehuri obligohet që ta paguaj në afat prej 30 (tridhjetë) ditësh, nga dita e plotfuqishmërisë së këtij aktgjykimi.

Nëse i pandehuri dënimin me gjobë nuk e paguan në afat të caktuar më lartë, atëherë gjykata këtë dënim do ta zëvendësoj me dënim burgu në kohëzgjatje prej 15 (pesëmbëdhjetë) ditësh, duke llogaritur një ditë burgim me 20 (njëzetë) euro të gjobës.

I pandehuri obligohet që në emër të shpenzimeve të procedurës penale të paguaj paushallin gjyqësor në shumë shumën prej 20 (njëzet) Euro si dhe shumën prej 20 (njëzet) Euro në emër të kompensimit të viktimave të krimit, të gjitha këto në afat prej 30 ditësh pas plotfuqishmërisë së këtij aktgjykimi.

1. Të akuzuarin S.K.

Me dënim me burgim kohëzgjatje prej 2 (dy) vite e 6 (gjashtë) muaj i cili dënim do të ekzekutohet në afat prej pesëmbëdhjetë (15) ditëve, nga dita e marrjes së formës së prerë të këtij aktgjykimi dhe

Me dënim me gjobë në shumë prej 300.00 (treqind) Euro, të cilin dënim i pandehuri obligohet që ta paguaj në afat prej 30 (tridhjetë) ditësh, nga dita e plotfuqishmërisë së këtij aktgjykimi.

Nëse i pandehuri dënimin me gjobë nuk e paguan në afat të caktuar më lartë, atëherë gjykata këtë dënim do ta zëvendësoj me dënim burgu në kohëzgjatje prej 15 (pesëmbëdhjetë) ditësh, duke llogaritur një ditë burgim me 20 (njëzetë) euro të gjobës.

I pandehuri obligohet që në emër të shpenzimeve të procedurës penale të paguaj paushallin gjyqësor në shumë shumën prej 20 (njëzet) Euro si dhe shumën prej 20 (njëzet) Euro në emër të kompensimit të viktimave të krimit, të gjitha këto në afat prej 30 ditësh pas plotfuqishmërisë së këtij aktgjykimi.

A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP.II.nr.1681/20 të dates 16.03.2021, ndaj të akuzuarve A. K. dhe S. K. për shkak të dyshimit të bazuar mirë se ka kryer veprën penale Vjedhje nga neni 313 par 1 të Kodit Penal të Republikës së Kosovës (KPRK-së, 06/L-074).

Gjykata, në këtë çështje penale juridike ka mbajtur seancën e shqyrtimit fillestar me datë 11.03.2024, në prani të Prokurorit të Shtetit Blerim Igrishita, të pandehurve S.K dhe A. K. ku të njëjtit u njoftuan me të drejtat e tyre, me aktakuzën dhe provat kundër tyre. Pas kësaj prokurori i shtetit lexoj aktakuzën kundër të pandehurve.

Pas leximit të aktakuzës nga prokurori të pandehurit u deklarua se e pranojnë fajësinë për veprat penale për të cilat akuzohet sipas aktakuzës.

Pas deklarimit të pandehurve dhe mendimit të prokurorit se nuk e kundërshtojë pranimin e fajësisë, Gjykata konstatoj se të pandehurit kanë pranuar fajësinë në mënyrë vullnetare dhe pa asnjë presion, të pandehurit janë të vetëdijshëm për pasojat e pranimin të fajësisë, si dhe të gjitha kërkesat nga neni 248 par. 1 të KPPRK-së janë përmbushur. Ashtu që gjykata aprovon deklarimin për pranimin e fajësisë nga ana e të pandehurve.

Duke pas parasysh se gjykata ka aprovuar pranimin e fajësisë nga ana e të akuzuarve dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 242 par. 6 lidhur me par. 2 të KPPRK-së, atëherë ne këtë çështje penale nuk është zbatuar procedura e provave, por gjykata pas deklarimit të akuzuarve se e pranojnë fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara ne shkresat e lëndës, e po ashtu me pranimin e fajësisë nga ana e të pandehurve është vërtetuar gjendja faktike si në dispozitiv të këtij aktgjykimi. Nga gjendja e vërtetuar faktike si është përshkruar në dispozitiv të këtij aktgjykimit, rrjedh se në veprimet e të pandehurve S.K dhe A. K. qëndrojnë të gjitha elementet e veprës penale Vjedhje nga neni 313 par 1 i KPRK-së.

Sa i përket fajësisë gjykata ka gjetur se të akuzuarit e kanë kryer veprën penale me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të tyre, kështu që të njëjtit janë penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese ne kuptim të nenit 70 të KPRK-se. Kështu si rrethana lehtësuese për të akuzuarit, gjykata ka vlerësuar pranimin e fajësisë, ndërsa si rrethanë rënduese për të akuzuarin S. K. Gjykata mori për bazë të kaluarën e tij kriminale nga ku rezulton se i pandehuri është i dënuar për një numër të madh të veprave penale kryesisht të natyrës së njëjte por edhe për lloje të tjera të veprave sipas aktgjykimeve të formës së prere: P.nr.783/2012, P.nr.512/2014, P.nr.264/2016, P.nr.133/2017, P.nr.4504/2019, P.nr.1067/2018, P.nr.524/2020, P.nr.49/2020, P.nr.240/2020, P.nr.771/2019, P.nr.19/2010, P.nr.876/2022, P.nr.4504/2019, P.nr.864/2019 etj. Ndërsa për të pandehurin A. K. Gjykata mori për bazë të kaluarën e tij kriminale nga ku rezulton se edhe ky është i dënuar për një numër të madh të veprave penale kryesisht të natyrës së njëjte por edhe për lloje të tjera të veprave sipas aktgjykimeve të formës së prere si: P.nr.2961/16, P.nr.1613/15, P.nr.3070/15, P.nr.5511/17, P.nr.186/17, P.nr.72/2016, P.nr.133/2017, P.nr.4580/19, P.nr.2659/19, P.nr.772/20, P.nr. 2455/20, P.nr.3395/21, P.nr.1912/20 etj.

Andaj, duke vlerësuar këto rrethana, Gjykata ne kuptim të nenit 42 dhe 43 të KPRK-se të akuzuarit i gjykoi si në dispozitiv të këtij aktgjykimit, me të cilin do të arrihet edhe qëllimi i dënimit.

Gjykata ka ardhur ne përfundim se dënimi i shqiptuar te akuzuarve është ne përputhje me shkallen e përgjegjësisë penale te tyre dhe me intensitetin e rrezikimit te vlerave te mbrojtura te shoqërisë. Gjykata gjithashtu është e bindur se vendimi mbi dënim do te shërbej për arritjen e qëllimit te dënimit ne pengimin e te pandehurve ne kryerjen e veprave penale ne te ardhmen veçanërisht llojin e njëjte të veprës penale, por ai do te ndikoj edhe si preventive e përgjithshme për personat tjerë qe te përmbahen nga kryerja e veprave penale ne përputhje me nenin 38 te KPPRK-se.

Duke u bazuar ne nenin 449 par. 2 pika 2.6 dhe 452 par.1 te KPPRK-se si dhe në bazë të nenit 36 par.3 nën par. 3.1 të Ligjit për kompensimin e viktimave të krimit nr.08/L-109, Gjykata ka vendosur për shpenzimet e procedurës penale në shumën e përgjithshme prej 40 Euro për secilin të pandehur.

Nga arsyet e cekura më lartë dhe me zbatimin e nenit 364 të KPPK-së është vendosur si në dispozitiv të këtij aktgjykimi.

GJYKATA THEMELORE NË PRISHTINË-DEGA FUSHË KOSOVË,
DEPARTAMENTI I PËRGJITHSHËM PENAL
P.nr.658/21 datë 26.03.2024

Gjyqtarja e vetme Gjykuese

Laura Hoti Statovci

KËSHILLA JURIDIKE: Kundër këtij aktgjykimi palët kanë te drejtë të parashtrojnë ankesë në afat prej 30 ditësh, nga dita e pranimit të të njëjtit. Ankesa i dërgohet Gjykatës së Apelit në Prishtinë përmes kësaj Gjykate.